



Siverth K. Heilmann

UPA 2023/102-1

Atassut

10. maj 2023

Innuttaasut feeriarnermusiassaasa Sulinngiffeqarnermut Inatsit naapertorlugu sulisut sulinngiffeqarneranut takussutissiisummik attaveqarfissanut paasissutissat naammattut pigineqarnerinik qulakkeerinninnissamut periusiliortoqarnissaanik Naalackersuisut suliaqaqqullugit peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Doris J. Jensen, Siumut)

Siullermik inatsisartuni ilaasortaq Doris J. Jensen, Siumut, inatsisartunut aalajangiiffigisassatut siunnersuuteqarninnut qujanaq, imatullu naatsumik Atassummiit oqaaseqarfigissavarput.

Siunnersuuteqartumit Naalackersuisunut § 37 naapertorlugu apeqqummini akissutigineqartoq 2016-imiit – 2020 ilanngullugu, aningaasarpassuit innuttaasut feeriarnermusiassaqaqaraluarlutik tigungnitsoortarsimasaannik tunngavilersornera paasinarluarpoq tupaallannarlunilu.

Inuit peqqissut sulisinnaasullu aningaasarsiorterunissarlu siunertaralugu, ukiuni makkunani inatsisartut aqqutigalugit oqallisiginnileruttornitsinni, qularutiginnilara najugarisamut allamut nuuttoqartarnera sulisitsisullu kontomik pissarsinngitsoortarsimasinnaanerat kisimik ajornartorsiutaasimavianiingitsut.

Inuppassuaqarpormi tassangaannaq napparsimalernej pissutigalugu toqukkut qimaguttartunik, pisortaniillu akiligassaqarnej pissaqarnerluunniit tamatigut eqqartuussivitsigut qulakkeerniarneqartaraluartoq, pinngitsoorani tassuuna sanngiiffeqarsimasinnaavugut eqqumaffigilluagassatsinnik.

Ukiuni makkunani atortorissaarutit soorlu e-boks ajunngikkaluaqisoq, taamaattoq inuppassuaqarpoq ilisimasaq atuinissatsinnillu killeqaqisumik ilisimasallit. Taamaattoq siunnersuut tunngaviatigut taperserlugu, suliap aappassaaneernejartigani ataatsimiititaliamut susassaqartumut ingerlaqqaarnisaa Atassummiit inassutigaarput.